


**Sebija Izetbegović**  
Zastupnica u Skupštini Kantona Sarajevo

Bosna i Hercegovina  
Federacija Bosna i Hercegovine  
Kanton Sarajevo  
Skupština Kantona Sarajevo



**Uputiti:** Ministarstvu zdravstva Kantona Sarajevo i Zavodu zdravstvenog osiguranja Kantona Sarajevo

## **PREDMET: ZASTUPNIČKA PITANJA**

Poštovani,

U skladu sa Poslovníkom Skupštine Kantona Sarajevo, upućujem zastupnička pitanja koje se odnose na **nabavku citostatika za potrebe pacijenata sa područja Kantona Sarajevo.**

Cijeneći značaj pravovremene i kontinuirane dostupnosti citostatika za onkološke pacijente, kao i činjenicu da se radi o lijekovima od vitalnog značaja, neophodno je osigurati potpunu transparentnost i zakonitost u procesu njihove nabavke, finansiranja i distribucije.

Uzimajući u obzir navedeno, tražim da se dostave sljedeće informacije:

### **I Postupak nabavke**

1. Koja institucija je nadležna za provođenje postupaka nabavke citostatika za potrebe pacijenata u Kantonu Sarajevo (Ministarstvo zdravstva KS, Zavod zdravstvenog osiguranja KS ili druga institucija)?
2. Koji postupak javne nabavke se primjenjuje prilikom nabavke citostatika (otvoreni postupak, pregovarački postupak, okvirni sporazumi i sl.)?
3. Od kojih veleprodajnih je vršena nabavka citostatika u protekle dvije godine (navesti naziv dobavljača, vrijednost ugovora i period realizacije)?

### **II Finansiranje nabavke**

4. Iz kojih budžetskih izvora se finansira nabavka citostatika (sredstva Zavoda zdravstvenog osiguranja KS, Budžet Kantona Sarajevo, kombinovani izvori i sl.)?
5. Koliki je ukupan iznos sredstava izdvojen za nabavku citostatika u 2024. i 2025. godini, te koliko je planirano za 2026. godine?

### **III Distribucija i dostupnost**

6. Na osnovu kojih kriterija se vrši raspodjela citostatika (broj pacijenata, vrste terapija, liste čekanja i sl.)?

### **IV Kontrola i nadzor**

9. Da li postoji sistem praćenja dostupnosti citostatika u realnom vremenu i kako se upravlja eventualnim nestašicama?
10. Koje mjere su poduzete ili se planiraju poduzeti kako bi se osigurala kontinuirana dostupnost citostatika bez prekida u terapiji pacijenata?

## **Obrazloženje**

Nabavka i distribucija citostatika predstavlja jedno od najosjetljivijih pitanja u zdravstvenom sistemu, jer direktno utiče na živote i liječenje onkoloških pacijenata.

Svaka nejasnoća u vezi sa procedurama nabavke, izvorima finansiranja ili načinom distribucije može dovesti do ozbiljnih posljedica po pacijente, ali i otvoriti prostor za sumnju u transparentnost i zakonitost postupanja nadležnih institucija.

Zbog toga je od izuzetnog značaja da Skupština Kantona Sarajevo ima potpune i precizne informacije o ovom procesu, kako bi mogla vršiti svoju nadzornu funkciju u interesu građana.

Molim da se na ovo zastupničko pitanje dostavi precizan i cjelovit odgovor u zakonom predviđenom roku.

**S poštovanjem,**

Sebija Izetbegović

